



Inatsisartunut ilaasortaq
Jens-Frederik Nielsen,
Demokraatit

Brev 01.02.2022
Sagsnr. 2021 - 19694
Akt. nr. 17599917

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Parisimi isumaqtigiissut pillugu § 37 naapertorlugu apeqqummut nr. 148-mut akissut

Asasara Jens-Frederik Nielsen

Parisimi isumaqtigiissut pillugu Naalakkersuisunut Inatsisartut suleriaasianni §37 imm. 1 naapertorlugu apeqquteqarputit.

Nunalerinermut, Imminut Pilorsornermut, Nukissiutinut Avatangiisinullu
Naalakkersuisoqarfimmit ilassuteqaatit ilanngunneqarput.

1. Parisimi isumaqtigiissut ilanngunnitsinnut nunatut suut pisussaaffigilerpagut?

Akissut

Parisimi isumaqtigiissutip iluani periarfissat kingumut misissorneqaqqinnerani paasineqarsimavoq Parisimi Isumaqtigiissummut ilannguttoqarsinnaasoq Kalaallit Nunaat Danmarkip pisussaaffiinut ilanngutitinneqanngikkaluarpalluunniit, taamatullu Kalaallit Nunaat CO2-mik annikillisaanissamut siumoortumik imminut pisussaaffileqqaartariaqanngitsoq.

Inatsisartut Kalaallit Nunaata Parisimi Isumaqtigiissummut tunngatillugu nunatut nangaassuteqarnerup atorunnaarsinneqarnissaq akuerissappassuk, taava Kalaallit Nunaat imminut pisussaaffilissaqq nunatut silaannaap pissusianut sunniutinut annikillisaqataanissamut anguniagassanik ("Nationally Determined Contribution"-imik taaneqartartumik) nuna tamakkerlugu akuerineqarsimasunik nassiussinissamut. Taamatut annikillisaanissamut tapiissutissaq inatsisitigut pituttorsimasuungilaq. Naalakkersuisut annikillisaanissamut tapiissutissaq UNFCCC-mut nassiutsin-nagu, Naalakkersuisut Kalaallit Nunaata silaannaap pissusia pillugu iliuusissaq siul-lerpaaq Nunatta tapiissutissaanut toqqammaviusussaq suliarissavaa.

a. Isumaqtigiissummut ilanngunnitsinnut aningaasatigut kingunissaat suuppat, qanorlu annertutigippat?

Akissut:

Tassunga tunngatillugu Inatsisartunut ilisimatitsissut 13. december 2021-mi nassiussuunneqarsimasoq innersuutigissavara.

- i. **Naalakkersuisut kingunerluutaasinnaasunik nalilersuinikuuppat, tamatumani lu kingunissanik kisitsisaateqarnerlutik Paris-imi isumaqtigiissummut ilanngunnitsinnut?**

Akissut:

Tassunga tunngatillugu Inatsisartunut ilisimatitsissut 13. December 2021-mi nassisuunneqarsimasoq innersuutigissavara.

- b. **Suliffeqarfiiit nunatsinniittut isumaqtigiissummut ilanngunnerput qanoq malugissavaat?**

Akissut:

Tassunga tunngatillugu Inatsisartunut ilisimatitsissut 13. december 2021-mi nassisuunneqarsimasoq innersuutigissavara. Tamatuma saniatigut Kalaallit Nunaanni inuussutissarsiortut silaannaap pissusianut tunngatillugu iliuusissap suliarineqarnerani akuutinneqassapput.

- c. **Innuttaasut nunatsinniittut isumaqtigiissummut ilanngunnerput qanoq malugissavaat?**

Akissut:

Tassunga atatillugu Inatsisartunut ilisimatitsissut 13. December 2021-mi nassisuunneqarsimasoq innersuutigissavara. Isumaqtigiissummut ilaalernermi Kalaallit Nunaani innuttaasunut malunniutissanngilaq. Silap pissusianut periusissiassap suliarineqarnerani innuttaasut peqataatinneqassapput.

2. **Naalakkersuisut qanoq isumannaarniarpaat nunatsinni suliffeqarfissuaqarnikkut ineriertorneq malitsigisaanillu CO2-mik aniatitsinnginneruniarluta?**

Akissut:

Naalakkersuisut Parisimi Isumaqtigiissut suliffissuaqarnermilu ineriertortitsineq imminnut akerleriittutut isiginngilaat. Parisimi Isumaqtigiissutikkut imatut aaqqis-sugaavoq nunat ataasiakkaat ineriertornissamut pisariaqartitaannut inissaqartitsutut. Isumaqtigiissummut ilanngunnerput imatut isumaqarpoq CO2-mik aniatitsinerput eqqumaffiginerulissagipput, toqqaannartumillu attuumassuteqartunik peqateqarluta paasiniassagipput qanoq tapiissuteqarsinnaanerluta, Kalaallit Nunatta suliffissuaqarnikkut ineriertortitsinerata ingerlanera mianeralugu.

- a. **Isumaqtigiissut mmalillugu ullumikkornit CO2-mik aniatitsinerulersimavugut?**

Akissut:

Apeqqut aappaanni akissuteqaammut innersuutigissavara.

3. Suut tunngavilersuutigalugit Naalakkersuisut tusagassiortunut nalunaaruteqarpat, Inatsisartut ilisimateeqqaarsimanagit?

Akissut:

Ataani atsiortoq Naalakkersuisut aalajangernerat pillugu Eqqisisimatisi-nermut Avatangiisinullu Ataatsimiitaliamut aamma Nunanut Allanut Sillimaniarnermullu Ataatsimiitaliamut ulloq 28. oktobari 2021 allaganngorlugu ilisimatitsissuteqarpoq.

Ataani atsiortup nutaarsiassaq Kalaallit Nunaanni tusagassiorfinnut ulloq 1. novembari 2021 nal. 10.00 (Kalallit Nunaanni nalunaaqutaq malillugu) nalunaarutigaa, tamassumalu kingorna COP26-imi oqalugiarnermi nalunaarutigalugu.

4. Naalakkersuisut pineqartumut allanik ilisimatitsiniarpat?

Akissut:

Paasissutissiissut inatsisartut ilaasortaanut tamanut nassiuppara ulloq 13. december 2021

Inussiarnersumik inuulluaqqusillunga



Múte Bourup Egede
Naalakkersuisut Siulittaasuat